



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Synodus Dioecesana Mediolanensis I. Carolo Borromaeo S. R. E. Cardinale  
Tit. S. Praxedis, & Archiepiscopo Mediolani, habita Anno à Chr. natiu.  
M.D.LXIV. mense Augusto. Pio III. Summo Pontifice.

**urn:nbn:de:hbz:466:1-11399**

37

# SYNODVS DIOECESANA MEDIOLANENSIS I.

CAROLO BORROMAEO S. R. E. CARDINALE  
Tit. S. Praxedis, & Archiepiscopo Mediolani, habita

Anno à Chr. natiu. M. D. L X I V. mense Augusto.  
Pio IIII. Summo Pontifice.



VM primùm ad ec-  
clesiæ Mediolanen-  
sis gubernacula Ca-  
rolus Borromæus S.  
R. E. Cardinalis,  
Dei, & apostolicæ  
sedis gratia vocatus  
est: iam tum sibi in-  
statione & vigilia Archiepiscopali per-  
petuò manendum esse fixa animi delibe-  
ratione constituit. Et quoniam eo tem-  
pore à summi Põtifcis Pij Quarti auu-  
culi sui (qui eum publicis christianæ  
Reip. negotijs interesse, & grauisimo of-  
ficio ac muneri præfesse voluit) latere  
discedere non potuit; gregis commissi  
charitate, & illa sui religiosi animi in-  
citatione inflammatus, in eam rem incu-  
buit omni studio, vt eum præfens ipse  
tunc non posset, alicuius spectati & pro-  
bati viri vicaria opera & diligentia ec-  
clesiam suam administraret. Itaque iã  
diu sollicitus, quem potissimum in ma-  
gna bonorum virorum paucitate delige-  
ret, cui id onus committeret, atque in cu-  
ius fide ac virtute tranquillo animo cõ-  
quiesceret: tandem Tridentino Conci-  
lio ( cuius exitus multis de causis expe-  
ctandus fuit) absoluto, quem summa cu-  
ra conquiserat, Deo benè iuuante inuen-  
nit. Is verò fuit Nicolaus Ormanetus,  
Protonotarius Apostolicus, vir prudentia  
integritateque præstans, & homo  
in primis antiquæ disciplinæ vsu peri-  
tus, atque in vicarij muneris administra-  
tione multum sæpeque versatus. Hunc  
nactus Cardinalis & Archiepiscopus,  
Vicarium suum in vrbe diocesi que Me-  
diolanensi vniuersã, summa auctoritate  
creauit. Ormanetus autem eo suscepto  
onere; vt Archiepiscopi iussa mandata-

que rectè exequeretur, cum cætera cleri  
populi que institutioni, & moribus chri-  
stianis accommodata, ad illius præscri-  
ptum prudenter egit; tum maximè sa-  
crofãcta decreta Tridentina ad vsum  
perducere studuit. Quamobrem Syno-  
dum diocesanam, vt eo Tridentino Cõ-  
cilio iussum est, Archiepiscopi mandato  
& auctoritate conuocauit, sessionibusq;  
tribus absoluit, quibus hæc gesta actaq;  
sunt.

Indictio huius Synodi diocesanæ primò  
conquisita diligenter non inuen-  
ta est tamen.

## Sessio I.

PRIMO precibus peroratis, cæte-  
risque ritè actis ad pontificalis libri præ-  
scriptum, literæ Apostolicæ à summo  
Pontifice Pio Quarto editæ de confir-  
matione & interpretatione sacri Con-  
cilij Tridentini, in frequentissima syno-  
do de loco superiore lectæ sunt summa  
omnium attentione.

Decretum item Trident. quod in ses-  
sione xxiv. cap. 11. decr. de refor. extat,  
de eodem loco pronũciatum fuit.

Decretum accessit Vicarij Ormaneti  
de synodo diocesanã inchoanda, & in  
singulos annos habenda ex auctoritate  
eiusdem Tridentini.

Postea decretum euulgatum est, ac de  
libro recitatum, quod est in illo ipso Cõ-  
cilio, sessione xxv. cap. 11. decr. de refor.  
de recipiendis Tridentinis decre-  
tis, ac de fide profitenda.

Quibus decretis recitatis atque pro-  
mulgatis, clerus vniuersus qui præfens  
aderat, fidei professionem præstitit ad  
præscriptum.

A Sessio

Sess. 4. dec.  
de refor. c. 2

## Sessio II.

**D**IE postero, qui fuit 3. Cal. Septēbris, sessio altera habita est, non mane, sed hora circiter decimanona.

Cuius sessionis initio ritē factō ex pręscripto statarum cęremoniarum, gesta hæc sunt.

Lectum est de loco superiore decretū Tridentinum sessione xxv. cap. x. decr. de reform. de iudicibus quibus causę delegandę sunt.

Quo decreto recitato, Iudices Vicarij iussu, ordine nominati sunt: de quibus synodus duodecim delegit.

Deinde pronunciatō publicē decreto Tridentino de examinātoribus, multi nominatim propositi fuerunt, quos octo synodus probavit suffragijs per schedulam occultē latis. Postea examinātores probati iusiurandum præstiterunt ex illo decreto.

His peractis cum advesperasceret, sessio hæc dimissa est, & sequens indicta ad horam matutinam.

## Sessio III.

**P**RIDIE Calendas Septēbris sessio III. acta est summo mane. primū Missa celebrata, & precibus ritē adhibitis, post promulgata & recitata publicē fuerunt decreta Tridentina, quę præcipuē pertinebant ad fundamenta iacenda disciplinę & correctionis morum. Atque hæc quidem sunt, quę infra mox ordine notantur.

Decretum de Seminario, sess. XXI I. cap. XVI I. decr. de reform.

Decreta duo de vita & honestate clericorum, vnum in sess. XI V. cap. VI. alterum in sess. XXI I. cap. I. decr. de reform.

Decretum de dignitatibus ecclesiasticis, sess. XXI V. cap. XII. decr. de reform.

Decretum de vestitu, capite eodem.

Decretum de sacerdotibus illiteratis, sess. XXI. cap. VI. decr. de reform.

Decretum contra concubinos, sess. XXV. cap. XI V. decr. de reform.

Decretum de filijs sacerdotum, ibidē cap. XV.

Decreta duo de residentia, vnum in sess. VI. cap. I. alterum in sess. XXI I. cap. I. decr. de reform.

Decretum de multitudine beneficiorum, sess. XXI V. cap. XVI I. decr. de reform.

Decreta duo de prædicatione, alterū in sessione V. cap. I I. alterū in sess. XXI V. cap. I V. decr. de reform.

Decretum de purgatorio, sess. XXV. Decretum de inuocatione, & veneratione sanctorum, sess. XXV.

Decretum de euitandis in celebratione Missę: sess. XXI I.

Decretum de legatis pijs. sess. XXV. cap. I V. decr. de reform.

His decretis ordine euulgatis ac recitatis, P. Benedictus Palmius Societatis Iesuitarum præclarum sermonē habuit de residentia & disciplina cleri. Atque hæc quidem mane acta sunt.

Pomeridiana autem sessio eius diei hora circiter decimanona incipit: in qua gesta sunt hæc.

Recitatum est publicē decretum de confessarijs examinandis. sessio. XXI I. decr. de reform. cap. XV.

Decretum item de frugalitate clericali, & dispensatione honorum ecclesiasticorum, sess. XXV. cap. I. de reform.

Decretū de visitatione, sess. XXI V. ca. X.

Decretum de vsurpantibus bona ecclesiastica, sess. XXI I. cap. XI. decr. de reform.

Decretum contra quæstuarios, sess. XXI. cap. IX. decr. de reform.

Decretum de imponenda penitentia peccatorum grauitati congruente, sess. XI V. cap. VII I. in decr. de penit.

Decretum de operibus satisfactionis, ibid. cap. IX.

Decretum contra publicē peccantē, sess. XXI V. cap. VII I. decr. de reform.

Decretum de hospitalitate, sess. XXV. cap. IX.

Hic R. D. Ormanettus Vicarius, vt vir erat prudens, & in primis antiquę disciplinę magister, grauissimum sermonem habuit, cum de cleri institutione, tum de Tridentinis decretis vniuersis, quę aut lecta, aut præ temporis angustia essent omissa, planē exequendis, atque in omnem vsū inducendis.

Id quod studiosius fieret, decreto iussit, vniuersos singulosque ecclesiasticos homines Concilij Tridentini volumen sibi comparare, habere, legereque accuratē, atque adeo in primis eius decreta exequi. Pœnam præterea grauissimam sancit.

eiuit contra eos, qui secus quàm eo decreto cautum esset fecissent.

Persecutus est etiam alio disertissimo sermone Palmius Iesuita omnem Tridentini Concilij disciplinam.

Post de libro Pontificali publicè lecte sunt clero frequentissimo statz illæ monitiones.

Quibus lectis ritè absoluta & demissa synodus est processione solenni.

## SYNODVS DIOECESANA MEDIOLANENSIS II.

QVAM ILLVSTRIS. ET REVERENDISS.  
Carolus Borromæus S. R. E. Presbyter Cardinalis Tit. S.  
Praxedis, Dei & Apostolicæ Sedis gratia  
Archiepiscopus Mediolani,

Habuit anno à Chr. nat. M. D. L X V I I I. die I I I I. Augusti.  
Pio V. Pontifice.

In nomine sanctæ, & indiuiduæ Trinitatis, Patris, & Filij, & Spiritus Sancti. Amen.



**V**T Christiana pietas in vrbe & diœcesi nostra non conferretur solum, sed augeatur etiam, ijs maxime virtutibus, quibus Iesus Christus Dominus noster, ab ijs qui diuino se cultui dederunt, & augeri, & conseruari voluit, vitæ innocentia, moribus sanctissimis, & castissimo cultu: illud nos cum omni æbuitate couiunctum esse censuimus, vt Mediolanensis hæc nostra Ecclesia, quemadmodum ex sancti Ambrosij institutione proprijs & quibusdam certis ritibus moribusque vitatur; ita vnà cū ijs quæ prouinciali Concilio à nobis ià sancita sunt, præcipuas Synodales constitutiones haberet, quibus omnibus vti par est sese conformando, vniuersus huius vrbe diœcesisque nostræ clerus, & in diuino cultu, & in veræ clericalis virtutis disciplina se piè sancteque exerceat. Sed quoniam nondum visitationem omnem absoluimus, neque per occupationes, quibus multis ijsque grauissimis in hoc pastoralis curæ munere discinemur, alia item multa cõsequi potuimus, quæ ad illas pijs conficiendas vsui erant

necessario; id propterea præstare minime nobis licuit, quod vel maxime cupiebamus, & optabamus quidem certe. Sumus tamen eo animo eaque mente ( id quod etiam nos valde curabimus ) vt si vita nobis suppetet, proximo sequenti anno cum primùm aliam Synodum habebimus, id ipsum Dei in primis ope atque auxilio perficiamus; cùm ad animarum salutem, tum ad diuini cultus christianæque pietatis amplificationem. Interea verò hac ipsa nostra diœcesana Synodo, primùm quæcunque ad Dei omnipotentis cultum, & ad clericorum mores vitamque conformandam prouinciali Concilio à nobis Coepiscoporum nostrorum assensu constituta sunt; ea vobis qui hunc in Synodum conuenistis, legi & recitari volumus; quò illa sæpius repetita, diligentiusque animis & mentibus vestris impressa, omnia vt certè debetis, quo maximo potestis studio, inuiolatè sancteque obseruetis. Reliqua verò, quæ hoc ipso diœcesano conuentu à nobis, Tridentini etiam Concilij iussu, moreque maiorum habito, decernenda & promulganda cõsueimus, pauca ea quidem sunt: quæ partim ad quarumdam prouincialium nostrarum constitutio-